

# Kesan harga makanan pengaruhi kos sara hidup

Ibu peningkatan kos sara hidup terus hangat diperkatakan dan dijangka menjadi antara fokus utama dalam kerangka Bajet 2017 yang akan diumumkan nanti. Kos sara hidup merujuk kepada jumlah perbelanjaan isi rumah ke atas barang dan perkhidmatan untuk mengekalkan taraf hidup. Semakin tinggi peningkatan harga barang dan perkhidmatan, semakin tinggi perbelanjaan diperlukan.

Kenaikan purata harga barang dan perkhidmatan diukur dengan menggunakan Indeks Harga Pengguna (IHP). IHP disusun berdasarkan pungutan harga pengguna secara bulanan mengikut ‘bakul’ tetap barang dan perkhidmatan. Kategori ‘makanan dan minuman tidak beralkohol’ mendominasi 30 peratus daripada keseluruhan bakul perbelanjaan isi rumah dan diikuti kategori ‘perumahan, utiliti dan bahan api’ sebanyak 24 peratus.

Jadi, saya ingin mengemukakan analisis kepada persoalan apakah peningkatan harga ‘makanan dan minuman tidak beralkohol’ mempengaruhi kos sara hidup di Malaysia. Berdasarkan data IHP Jabatan Perangkaan Malaysia (DOSM), amat jelas sekali menunjukkan pergerakan IHP umum dipengaruhi oleh pergerakan dalam IHP ‘makanan dan minuman tidak beralkohol.’

Walau bagaimanapun peratus peningkatan IHP ‘makanan dan minuman tidak beralkohol’ adalah stabil. Pada 2014 dan 2015, IHP hanya meningkat sebanyak 3.3 dan 3.7 peratus. Peningkatan ketara dirasakan pada 2008 iaitu 8.8 peratus dan melepas paratiga peratus pada 2009 dan 2011. Di antara Januari sehingga Jun 2016, IHP bagi kategori barang ini telah meningkat sebanyak 2.4 peratus.

Peningkatan IHP ‘perumahan, utiliti dan bahan api’ juga me-

nunjukkan trend yang stabil. Malahan penurunan IHP pada 2015 berbanding 2014 dipengaruhi penurunan dalam IHP ‘perumahan, utiliti dan bahan api.’

## Gaji, upah pengaruhi kos sara hidup

Kos sara hidup pula dipengaruhi oleh tingkat harga dan upah. Jika peningkatan IHP umum adalah stabil, maka peningkatan kos sara hidup tentunya dipengaruhi oleh tingkat gaji dan upah. Perangkaan oleh DOSM menunjukkan berlaku penurunan purata gaji dan upah pada 2015 sebanyak tiga peratus.

Hampir kebanyakan industri menunjukkan kadar pertumbuhan purata gaji dan upah yang menyusut pada 2015 berbanding 2014. Purata gaji dan upah industri perlombongan dan pengkuarian yang paling terkesan, bertumbuh pada kadar 12 pe-

ratus pada 2015 berbanding 35 peratus pada 2014.

Hal ini dipengaruhi oleh penurunan dalam harga minyak mentah asli di pasaran global. Industri-industri lain turut terkesan kerana pengaruh kuat rantai nilai industri perlombongan minyak mentah.

Jangkaan peningkatan kadar kemiskinan bandar oleh sebahagian ahli ekonomi ada kewajarananya dan perlu dilihat secara serius. Hal ini kerana kadar pertumbuhan purata gaji dan upah isi rumah di bandar menyusut daripada lapan peratus pada 2014 kepada enam peratus pada 2015. Purata perbelanjaan isi rumah di bandar pula 60 peratus lebih tinggi berbanding dengan isi rumah di luar bandar.

Apakah pilihan dasar yang ada untuk mengurangkan beban peningkatan kos sara hidup? Dasar berkaitan dengan peningkatan tingkat gaji dan upah adalah agak

sukar untuk dilaksanakan dalam keadaan ketidaktentuan ekonomi masa kini. Apatah lagi pertumbuhan ekonomi itu sendiri dipengaruhi oleh faktor luaran seperti nilai mata wang dan harga minyak mentah global.

Pilihan jangkamasa pendek ialah mengawal harga kumpulan barang ‘makanan dan minuman tidak beralkohol’ dan ‘perumahan, utiliti dan bahan api.’ Pelbagai kaedah boleh dilakukan seperti meningkatkan pengeluaran domestik dan import bagi makanan dan menurunkan harga bahan api, bergantung kepada kesesuaian. Bagi penyelesaian jangkamasa panjang, strategi perlu terarah kepada pertumbuhan pendapatan melalui peningkatan KDNK dan penggihan yang inklusif.

---

 Dr Mohd Yusof Saari,  
Institut Kajian Dasar Pertanian  
dan Makanan, UPM